

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

晉

王右軍

第四十四冊

V. 44







王政軍集



王右軍集



王右軍集題詞

殷洪源與桓溫不協王逸少移書苦  
諫欲畫廉藺于屏風又曲止北伐皆  
不見聽果敗於姚襄謝豫州邁往不  
屑才非將帥違逸少之言後亦狼狽  
世謂其形神在名山滄海之間于天



下事抑何觀火也瑯琊南渡江左粗  
安王謝雖賢未敢以區區吳越經緯  
天下褚裒殷浩志奢才短動而輒蹶  
若復不守江東遠慕諸葛伍員之憂  
爲期彌促卒觀喪晉爨癸強臣非繇  
外寇逸少早識善察百年此數札者



誠東晉君臣之良藥非同平原辨亡  
令升論晉追覽既往奮其縱橫也蘭  
亭詠詩韻勝金谷誓墓不出義取老  
氏與謝萬書言山水弋釣拊掌開懷  
又教子孫退讓彷彿萬石絲竹陶寫  
恐爲兒輩覺則樂而能節矣史云逸



少與藍田抵牾愧歎謝病猶逐翰音  
而未覩登天者也書法冠古今飄雲  
矯龍亦藝成之一後人寶其筆勢聚  
字成帖間有斷缺尚圖球奉之誤正  
可思蓋在是乎

婁東張溥題



晉王右軍集目錄

卷之一

書

遺殷浩書

報殷浩書

與會稽王牋

與尚書僕射謝安書

與謝安書

又



與桓溫牋

誠謝萬書

與謝萬書

與人書

又

章草帖

與所知書

飛白帖

又



又

辭舉帖

辭郡帖

恭命帖

殊遇帖

會稽帖

此郡帖

上虞縣事帖

又



又

諸暨帖

餘姚帖

軍府帖

湖熟帖

郡荒帖

斷酒帖

又

奉法帖



簿書帖

增運帖

又

防民帖

深情帖

從宜帖

立同帖

誠理帖

資生帖



慕容帖

渭南帖

方軌帖

群凶帖

送袍帖

給船帖

功曹帖

發詔帖

軍使帖



仲舒帖

尚書帖

志嶠帖

此聲帖

又

又

荀葛帖

文集帖

歌章帖



戲詠帖

月儀書

十七帖

又逸民帖

又來居帖

又龍保帖

又絲布衣帖

又七十帖

又



又 六日帖

又 積雪凝寒帖

服食帖

又 叩竹杖帖

又 都邑帖

又 諸從帖

又 胡母從妹帖

又 胡桃帖

又 蜀郡帖



又 講堂帖

又 譙周帖

又

又

又 朱處仁帖

又 成都城池帖

又 鹽井帖

又 來禽帖

又



又 薦虞安吉帖

又 兒女帖

桓公帖

又 破羗帖

又

又 虞義興帖

又

又

又



雲子帖

又

又

又

安西帖

又  
稚恭帖

又  
清和帖

又

又



又

庚丹陽帖

又

又

又

又

又

殷侯帖

又



又

又

又

又

又

又

又

宰相安和帖

彭祖帖

袁彭祖帖



孔建安帖

與郗家論婚書

卷之二

方回帖

又

又

重熙帖

又

又



又

又

又

嘉賓帖

二郗帖

又

荀侯帖

又

謝仁祖帖



又

又

又

安石帖

萬石帖

又

又

又

又



又

謝光祿帖

二謝帖

又

謝生帖

又

又

又

又

光期帖



又

謝司馬帖

立度帖

又

又

又

立度帖

又

又



又 西問帖

又

許君帖

論諸葛昏書

諸葛亮帖

弘遠帖

又

又

又



阮光祿帖

又

又

又

又

又

又

又

又



范公帖

范生帖

羊叅軍帖

又

又

曹叅軍帖

叅軍帖

又

白牒帖



周叅軍帖

虞休意帖

董祥帖

馮公帖

溫公帖

周常侍帖

徐舍人帖

徐侯帖

朱博士帖



王會稽帖

暨主簿帖

劉生帖

二蔡帖

江侯帖

江生帖

張令帖

丘令帖

何侯帖



太常帖

司馬帖

又

又

又

又

中書帖

明府帖

長史帖



鎮軍帖

義興帖

又

吳興帖

又

又

永興帖

臨川帖

上虞帖



又

潁陽帖

鄱陽帖

東陽帖

先生帖

又

夫人帖

又

又



又

又

女聾帖

司州帖

又

又

又

又

敬豫帖



敬和帖

又

敬親帖

敬倫帖

又

延期帖

又

又

又



又

又

又

又

官奴帖

又

又

又

官奴帖



穆松帖

又

又

又

又

又

遮何日西帖

又

農敬親帖



又

又

告姜帖

又

阿刁帖

迎慶帖

和方帖

道冲帖

豹奴帖



野大帖

又

又

道護帖

賓諸人帖

又

又

知定帖

又



又

又

華直帖

華母子帖

又

念奴帖

二奴帖

貴奴帖

阮兒帖



靜婢帖

又

遠嘉興帖

又

鶻等帖

彥仁帖

又

修載帖

伯熊帖



又

又

又

長素帖

又

又

子卿帖

又

道長帖



道祖帖

陽主帖

茂善帖

君遠帖

祖伯帖

郎子帖

陽化帖

元道帖

德孝帖



熙孝帖

長翔帖

長高帖

長風帖

長平帖

君服帖

源書帖

又

又



又

尚書中郎帖

又

又

又

建安帖

又

省第帖

又



又

又

又

兄子帖

又

賢姊帖

又

又

又



又

又

又

亡嬭帖

庾新婦帖

郝新婦帖

中郎女帖

姨母帖

又



李氏甥帖

雜帖

又

又

又

又

又

又

又



問慰諸帖上

又

又

又

又

又

又

又

又



又

又

又

又

又

又

又

又

又



又 又 又 又 又 又 又 又 又



又 又 又 又 又 又 又 又 又



又 又 又 又 又 又 又 又 又



又

又

又

又

又

又

又

又

又



又 又 又 又 又 又 又 又 又



又

又

又

又

又

又

又

又

又



又 又 又 又 又 又 又 又 又



又 又 又 又 又 又 又 又 又



又 又 又 又 又 又 又 又 又



又

又

又

又

又

又

又

又

問慰諸帖下



又 又 又 又 又 又 又 又 又

王右軍集

目錄

卷



又 又 又 又 又 又 又 又 又



又 又 又 又 又 又 又 又 又



又 又 又 又 又 又 又 又



又

又

又

又

女婁丸帖

吳興鮓帖

紫石散帖

新栗帖

須果帖



矇風膠帖

噉蚶帖

須米帖

又

麻紙帖

噉豆帖

鯉魚帖

舍子帖

擇藥帖



印竹枝帖

狼毒帖

採菊帖

黃甘帖

奉橘帖

白石枕帖

裹鮮帖

筆精帖

愛鵝帖



野鴨帖

鄣茶帖

鷓鴣帖

鷹嘴帖

豉酒帖

石脾帖

東書堂帖

又

序



蘭亭集序

書後

題衛夫人筆陣圖後

文

祭墓文

詩

蘭亭集詩二首

附錄

本傳

王右軍集目錄終



晉王右軍集卷之一

晉 瑯琊王羲之 著

明 太倉張 溥 閱

遺殷浩書

浩揚州刺史。參綜朝權。與桓溫不協。羲之以國家之安。在於內外和。因與浩書戒之。浩不從。及浩將北伐。羲之以爲必敗。以書止之。言甚切至。浩遂行。果爲姚襄所敗。復圖再舉。仍遺浩書。先是安西將軍謝尚爲督統。敗績。

知安西敗喪。公私惋怛。不能須臾去懷。以區區江左。所管綜如此。天下寒心。固以久矣。而加之



敗喪。此可熟念。往事豈復可追。願思弘將來。令天下寄命有所。自隆中興之業。政以道勝寬和。爲本。力爭武功。作非所當。因循所長。以固大業。想識其由來也。自寇亂以來。處內外之任者。未有深謀遠慮。括囊至計。而疲竭根本。各從所志。竟無一功可論。一事可記。忠言嘉謀。棄而莫用。遂令天下將有土崩之勢。何能不痛心悲慨也。任其事者。豈得辭四海之責。追咎往事。亦何所復及。宜更虛已求賢。當與有識共之。不可復令。



忠允之言。常屈於當權。今軍破於外。資竭於內。保淮之志。非復所及。莫過還保長江。都督將各復舊鎮。自長江以外。羈縻而已。任國鈞者。引咎責躬。深自貶降。以謝百姓。更與朝賢思布平正。除其煩苛。省其賦役。與百姓更始。庶可以允塞羣望。救倒懸之急。使君起於布衣。任天下之重。尚德之舉。未能事事允稱。當董統之任。而喪敗至此。恐闔朝羣賢。未有與人分其謫者。今亟脩德補闕。廣延羣賢。與之分任。尚未知獲濟所期。



若○猶○以○前○事○爲○未○工○故○復○求○之○於○分○外○字○宙○雖○  
廣○自○容○何○所○知○言○不○必○用○或○取○怨○執○政○然○當○情○  
慨○所○在○正○自○不○能○不○盡○懷○極○言○若○必○親○征○未○達○  
此○旨○果○行○者○愚○智○所○不○解○也○願○復○與○衆○共○之○復○  
被○州○符○增○運○千○石○徵○役○兼○至○皆○以○軍○期○對○之○喪○  
氣○罔○知○所○厝○自○頃○年○割○剝○遺○黎○刑○徒○竟○路○殆○同○  
秦○政○惟○未○加○參○夷○之○刑○耳○恐○勝○廣○之○憂○無○復○日○

矣○  
北堂書鈔載羲之與浩書  
下官勸令畫廉蘭於屏風

報殷浩書



吾素自無廟廊直王丞相時。果欲內吾。誓不許之。手跡猶存。由來尚矣。不於足下叅政。而方進退。俟兒婚女嫁。便懷尚子平之志。數與親知言之。非一日也。若蒙驅使。關隴巴蜀。皆所不辭。吾雖無專對之能。直謹守時命。宣國家威德。固當不同於凡使。必令遠近咸知。朝廷留心於無外。此所益殊不同。居護軍也。漢末使太傅馬日磾慰撫關東。若不以吾輕微。無所爲疑。宜及冬初以行。吾惟恭以俟命。



與會稽王牋

簡文帝初爲會稽王輔政義之與王牋陳殷浩不宜北伐并論時事

古人耻其君不爲堯舜。北面之道。豈不願尊其所事。比隆往代。況遇千載一時之運。顧智力屈於當年。何得不權輕重而處之也。今雖有可欣之會。內求諸已。而所憂乃重於所欣。傳云自非聖人。外宜必有內憂。今外不宜。內憂已深。古之弘大業者。或不謀於衆。傾國以濟一時之功者。亦往往而有之。誠獨運之明。足以邁衆。蹇勞之



弊終獲永逸者可也。求之於今可得擬議乎。夫  
廟筭決勝。必宜審量彼我。萬全而後動。功就之  
日。便當因其衆而卽其實。今功未可期。而遺黎  
殲盡。萬不餘一。且千里饋糧。自古爲難。況今轉  
運供繼。西輸許洛。北入黃河。雖秦政之弊未至  
於此。而十室之憂。便以交至。今運無還期。徵求  
日重。以區區吳越。經緯天下。十分之九不亡。何  
待而不度德量力。不弊不已。此封內所痛心歎  
悼。而莫敢吐誠。往者不可諫。來者猶可追。願殿



下更垂三思解而更張令殷浩荀羨還據合肥  
廣陵許昌譙郡梁彭城諸軍皆還保淮爲不可  
勝之基須根立勢舉謀之未晚此實當今策之  
上者。若不行此社稷之憂可計日而待。安危之  
機易於反掌。考之虛實著於目前。願運獨斷之  
明。定之於一朝也。地淺而言深。豈不知其未易。  
然古人處間。間行陣之間。尚或干時謀國。評裁  
者。不以爲譏。況厠大臣未行。豈可默而不言哉。  
存亡所係。決在行之。不可復持疑後機。不定之



於此。後欲悔之。亦無及也。殿下德冠宇內。以公  
室輔朝。最可直道行之。致隆當年。而未允物望。  
受殊遇者。所以寤寐長歎。實爲殿下惜之。國家  
之慮深矣。常恐伍員之憂。不獨在昔麋鹿之游。  
將不止林藪而已。願殿下鑒廢虛遠之懷。以救  
倒懸之急。可謂以亡爲存。轉禍爲福。則宗廟之  
慶。四海有賴矣。

與尚書僕射謝安書

羲之爲會稽時。東土饑荒。輒開倉賑貸。  
朝廷賦役繁重。吳會尤甚。羲之每上疏。



爭之事多見  
從又與安書

頃所陳論每蒙允納所以令下小得蘇息各安  
其業若不耳此一郡久以蹈東海矣今事之大  
者未布漕運是也吾意望朝廷可申下定期委  
之所司勿復催下但當歲終考其殿最長吏尤  
殿命檻車送詣天臺三縣不舉二千石必免或  
可左降令在疆塞極難之地又自吾到此從事  
常有四五兼以臺司及都水御史行臺文符如  
雨倒錯違背不復可知吾又瞋目循常推前取



重者。及綱紀輕者。在五曹主者。涖事。未嘗得十日。吏民趨走。功費萬計。卿方任其重。可徐尋所言。江左平日。揚州一良刺史。便足統之。況以羣才。而更不理。正由爲法不一。牽制者衆。思簡而易。從便。足以保守成業。倉督監耗盜官米。動以萬計。吾謂誅剪一人。其後便斷。而時意不同。近檢校諸縣。無不皆爾。餘姚近十萬斛。重歛以資姦吏。令國用空乏。良可歎也。自軍興以來。征役及克運死亡叛散。不反者衆。虛耗至此。而補代



循常所在凋困。莫知所出。上命所差。上道多叛。則吏及叛者。席卷同去。又有常制。輒令其家及同伍課捕。課捕不禽。家及同伍尋復亡叛。百姓流亡。戶口日減。其源在此。又有百工醫寺。死亡絕滅。家戶空盡。差代無所。上命不絕。事起或十年。十五年。彈舉獲罪無懈怠。而無益實事。何以堪之。謂自今諸死罪原輕者。及五歲刑。可以克此。其減死者。可長充兵役。五歲者可充襍工。醫寺皆令移其家以實都邑。都邑既實。是政之本。



又可絕其亡叛。不移其家。逃亡之患復如初耳。  
今除罪而充禱役。盡移其家。小人愚迷。或以爲  
重於殺戮。可以絕姦刑名。雖輕懲肅實重。豈非  
適時之宜邪。

與謝安書

知君嘗得小笙。笙是名器。往聞者。若令諸君聞  
之。皆當可不言。而云見今笙者。皆不以爲佳。恐  
是不能好也。

又



復與君此章草，所得極不爲少，而筆至惡，殊不稱意。

與謝安書

蜀中山水如峨眉山。夏含霜雹，碑板之所聞，崑

崙之伯仲也。

楊云逸少慕蜀中山水之奇，見於與周益州及謝東山書，不一而足。

然竟不遂其雅志。

山水於高人亦有緣及限耶。蜀中舊有石刻，今亡，見峨眉山人故志。

輿地

志山水作山川，峨眉山作岷山。

與桓溫箋

萬再遷豫州刺史，領淮南太守，監司豫



世說萬壽春敗後還書與右軍云、慙負宿顧、右軍答書曰、此禹湯之戒。

謝萬才流經通處廊廟。參諷議。故是後來一器。而今屈其邁往之氣。以俯順荒餘。近是違才易務矣。

一作器通鑑作之秀

### 誠謝萬書

萬為豫州都督、羲之遺書誠之、萬不能用、既受任北伐、矜豪傲物、兵潰被廢、

以君邁往不屑之韻。而俯同群辟。誠難為意也。然所謂通識正自當隨事行藏。乃為遠耳。願君



每與士之下者同則盡善矣食不二味居不重  
席此復何有而古人以爲美談濟否所由實在  
積小以致高大君其存之  
羣辟通鑑作羣碎每與士卒之下者同甘苦則盡善矣

與吏部郎謝萬書

萬字萬石安之弟

羲之與王述齊名而志尚不同兩不相  
能述爲會稽以母喪居郡境羲之代爲  
郡累年止一弔竟不顧述及述爲揚州  
刺史檢校會稽求其得失主者疲於課  
對羲之耻慨遂稱疾去郡於父母墓前  
自誓不復仕朝廷以其誓苦亦不復徵  
之與東土人士窮諸名山汎滄  
海優游無事弋釣爲娛與萬書



古之辭世者。或被髮佯狂。或污身穢跡。可謂艱  
矣。今僕坐而獲免。遂其宿心。其爲慶幸。豈非天  
賜。違天不祥。頃東游還。脩植桑果。今盛敷榮。率  
諸子。抱弱孫。游觀其間。有一味之甘。割而分之。  
以娛目前。雖植德無殊邈。猶欲教養子孫。以敦  
厚退讓。戒以輕薄。庶令舉策數馬。彷彿萬石之  
風。君謂此何如。比當與安石東游山海。并行田  
視地利。願養閑曠。衣食之餘。欲與親知時共歡  
讌。雖不能興言高詠。銜杯引滿。語田里所行故。



以爲撫掌之資。其爲得意。可勝言耶。常依陸賈

班嗣楊王孫之處世。甚欲希風數子。老夫志願。

盡於此矣。閒曠晉書作閒暇。此矣。作此也。法書要錄載云。老夫志願盡於此也。君

察此。當有二言。不真。所謂賢者志於大。不肖志

其小。無緣見君。故悉心而言。以當一面。何如

下要錄有重熙去。視作盡。曠作暇。容齋隨筆

云。逸少蓋溫太真蔡謨謝安石一等人也。直以

抗懷物外。不爲人役。故功名成就。無一可言。其

# 與人書

羲之每自稱我書比鍾繇當抗行。  
比長芝草。昔當爲行也。曾與人書



張芝臨池學書。池水盡黑。使人耽之若是。未必

後之也。

法書要錄載王右軍自論書。吾書比之鍾張當抗行。或謂過之。張草猶當鴈行。

張精熟過人。臨池學書。池水盡墨。若吾耽之若此。未必謝之。楊云。由此觀之。右軍之聖於書。亦由積習苦學而能也。今有妄男子。師心狂塗。信手繆繞。以誑愚俗。而張虛名。使右軍家奴有靈。必見笑於地下矣。豈復有書乎。

又

君學書有意。今相與草書一卷。

張懷瓘書斷云。右軍草隸八分。

飛白章行。備精諸體。自成一家。千變萬化。得之神功。唐張彥遠法書要錄。右軍書記。至四百六十五帖。其中如蘭亭之屬。多非書記。淳化帖所載。亦僅什一。蓋諸蹟宋初已散逸矣。今與閣



帖各以類  
次于後

### 章草帖

皇象章草旨信送之勿勿當付良信

楊云旨信送之答其

人來旨欲信送之也勿勿當付良信言此際勿遽不暇後當付良使也信即使也今法帖作勿三井宋太宗淳化中命中書王著集古法書爲閣帖右軍父子五卷此前有法書要錄其後有建中靖國淳熙續帖清華閣寶晉齋書史東觀餘論里秀萬玉之屬今各類從淳化復注次第以便臨撫訛脫仍舊

### 與所知書

王獻之好書觸遇造立嘗日戲北館取掃帚沾泥汁中以書壁作方丈大字曉



誰作、答曰、七郎義之、於是作書與所知

子敬飛白大有意

有直圖書會粹載云、子敬飛白大

人然、鼎按後漢曹大家女誠、述其子曹成之字曰子穀、張母呼其子張邵之字曰元伯、豈有望耶、則漢時母固有稱子字者、而鼂錯父呼子爲公、

### 飛白帖

省飛白、乃致佳、造次尋之、乃欲窮本、無論小進

也、稱此將青於藍。

又

致比四紙飛白、以爲何似能學不、



又

飛白不能乃佳意乃篤好此書至難或作復與

卿

楊用脩注云右軍飛白妙絕今古今不可見矣臨池之士亦不知飛白何體也惟唐順陵

碑文中有數字可規古跡鼎按齊蕭子良古今書體云飛白書熹平年治鴻都門於時蔡邕方撰聖皇篇梁庾元威論書云張芝始作一筆飛白書

辭舉帖

此下並右軍論事諸帖不詳何與

前得君書即有反想至也謂君前書是戲言耳

亦或謂君當是舉不失親在安石耳省君今示

頗知如何老僕之懷謂君體之方復致斯言愧



誠心之不著。若僕世懷不盡。前者自當端坐觀  
時。直方其道。或將爲世大明耶。政有救其弊

缺

筭之熟悉。不因放恕之會。得期於奉身而退。良  
有已。良有已。此其得之心。不待多言。又餘年幾  
何。而逝者相尋。此最所懷之重者。頃勞藥石之  
資。如有萬一方。欲思盡願養。過此以往。未之敢  
聞言盡於今也。

辭郡帖

羲之嘗請爲宣城。朝廷  
不許。因爲會稽內史。

篤不喜見客。篤不堪煩事。此自死。不可化。而人。



理所重如此都郡江東所聚自非復弱幹所堪足下未知之耳給領與卿同殊爲過差交人士因開門以勉待之無所復言

恭命帖

六日昨書信未得去時尋復逼或謂不可以不恭命遂不獲已處世之道盡矣何所復言

殊遇帖

羲之死罪復蒙殊遇求之本心公私愧歎無言以喻去月十一日發都違遠朝廷親舊乖離情



懸兼至。良不可言。且轉遠非徒無諮覲之由。音問轉復難通。情慨深矣。故旨遣承問。還願具告。義之死罪。

會稽帖

會稽亦復與選論卿否。吾誠勅勅於論事。然於弟尚不惜小。宜謂選官前意已佳。可不復煩重。卿更思必謂宜論者。必有違矣。

此郡帖

此郡之弊。不謂頓至於此。諸逋滯非復一條。獨



坐。不。知。何。以。爲。治。自。非。常。才。所。濟。吾。無。故。舍。逸。

而。就。勞。歎。恨。無。所。復。及。耳。夏。人。事。請。託。亦。所。未。

免。小。却。冀。得。小。差。頃。日。當。何。理。

米云蘇耆書畫記述此帖與內

史王述書黃伯思云非也逸少與藍田方際而爲屬郡既檢察苛急主者疲於課對正救過不暇豈復尺牘間自彰其逋滯哉此帖官本傳摹甚失真如以就勞爲能勞小却爲小都皆轉失草法也免一作見劉次莊作忽頃作須

上虞縣事帖

賊以還不知遇官軍云何可深憂之欲依上虞初到別上今勅聽之縣事不同直不相連耳



又

近所示欲依上虞別上申一期尋案臺報不聽  
上當戮力於事不可但復解散君縣乃是今勝  
縣而復以爲難耶

又

此似卽  
言前事

知足下以畧內有此事便欲去縣豈有此理此  
縣弊久因足下始有次第耳便當息意今勅諸  
處事及縣者省馳書於臺中論必釋然故遣  
旨信示意



三才集  
卷一  
諸暨帖

諸暨始甯屬事自可得如教丹陽意簡而理通  
屬所無復逮錄之煩爲佳想君不復須言謝丹  
陽亦云此語君

餘姚帖

足下所欲餘姚地輒勅驗所須輒告

軍府帖

此三頃田樂吳舊耳云卿軍府甚多田也宜須  
一用心吏可差次忠良



湖孰帖

吾湖孰縣須水田、卿、都可遣僦之、墓、不知處、去年僦之者似是、俞進可問之、卿不出、停此、

郡荒帖

知郡荒。吾前東周旋五千里。所在皆爾。可歎。江東自有大頓勢。不知何方以救其弊。民事自欲歎復爲意。卿示聊及。

斷酒帖

斷酒事終不見許。然守之尚堅。第亦當思同此。



懷。此郡斷酒一年。所省百餘萬斛。米乃過於租。此救民命。當可勝言。近復重論。相賞有理。卿可復論。

又

百姓之命

缺

倒懸。吾夙夜憂此。時旣不能開

倉庾賑之。因斷酒以救民命。有何不可。而刑猶至此。使人歎息。吾復何在。便可放之。其罰謫之制。宜嚴重。可如治日。每知卿同在民之主。

奉法帖



省示知足下奉法轉到勝理極此此故蕩滌塵垢研遺滯累可謂盡矣無以復加漆園比之殊誕謾如下言也吾所奉設教意政同但爲形跡小異耳方欲盡心此事所以重增辭世之篤今雖形係於俗誠心終日常在於此足下試觀其終

簿書帖

恐有簿書之煩益屬所事可立制縣不給下貧而給饒有之家開令治國別許爲盛田不平者



嚴制如此。事省而虛實可知。其或非所樂而絕  
付給者。今爲不賦。得里人遂安黃籍。前年皆斯  
人。非復一條可歎。今便獨坐。令白郗侯求官。邈  
等想必可得。君亦當得見書。若萬一不樂想。可  
共思得州數十家見經營。不爾無坐此理也。別  
當以具。慰深共思。不待煩言。

增運帖

增運白米來者。云必行此。無所復云。吾於時地  
甚疏卑。致言誠不易。然以在大臣之末。要爲居。



時○任○豈○可○坐○視○危○難○今○便○極○言○於○相○并○與○殷○謝○  
書○皆○封○示○卿○勿○廣○宣○之○諸○人○皆○謂○盡○當○今○事○宜○  
直○恐○不○能○行○耳○足○下○亦○不○可○思○致○若○言○耶○人○之○  
至○誠○故○當○有○所○面○不○爾○坐○侍○死○亡○耳○  
然下有太  
老子三字

又

知○數○致○苦○言○於○相○時○弊○亦○何○可○不○耳○頗○得○應○對○  
不○吾○書○未○被○答○得○桓○護○軍○書○云○口○米○增○運○皆○當○  
停○爲○善○

防民帖



行當是防民流逸。不以爲利耶。此於郡爲由上  
守郡更尋詳。若不由上命。而斷中求絕者。此爲  
以利。卿絕之是也。縱民所之。恐有如向者流散  
之患。可無善詳具聞。又一帖民作臣。不以作不  
當。上守郡作耶。斷作郎。

深情帖

省足下前後書。未嘗不憂。欲與事地相與有深  
情者。何能不恨。然古人云。行其道。忘其爲身。真  
卿今日之謂。政自當豁其智懷。然得公平政直  
耳。未能忘已。便自不得行。然此皆在足下懷。願



卿爲復廣求於衆。所悟故多。山之高言次何能不

從宜帖

省告一一足下此舉由來吾所具卿所云皆是情言然權事慮之重則當廢情以從宜非書所悉見卿一一

玄同帖

亦不能佳體懷省無所乏然卿供給人士及使役吏人論者亦謂大任意在世中政自不得不小俯仰同異卿復爲意卿此懷亦當玄同不



能勉人耳。

誠理帖

知以智之所無奈何。不復稍憂。此誠理也。然缺

之懷。何能已已乎。未能得面書。何所悉

怛深  
得近

期。躔還。故因  
教初日月。

資生帖

上方寬博多通。資生有十備之覺。是所委息。乃  
有南眷。情足謂何。以密示一。勿宣此意。爲與卿  
其思之。省以付火。



慕容帖

諸人十二日書云慕容乃抄梁下得數缺目下疾疫非常乃以至京極有傷此憂之下者想君勤勤之

渭南帖

二十三日發至長安云渭南患無他然云苻健衆尚七萬苟及最近雖衆由匹夫耳卽今尅此一段不知歲終云何守之想勝才弘之自當有方耳。



三才集  
卷一  
方軌帖

賊勢可見。此云方軌萬萬如志。但守之尚足。令  
智者勞心。此回書恒懷湯火。處世不易。豈惟公  
道。

羣凶帖

卿事時了。甚快羣凶。日夕云云。此使鄴下一日  
爲戰場。極令人惆悵。豈復有慶年之樂耶。思卿  
一面。無緣可歎。可歎。

送袍帖



可委行、使耶、遲還具問、亦以與尚書諮懷、今復遣諮吳興也、

志嶠帖

良深路滯久矣、況今季末、無所多、惟足荒何、卹於此、足下志嶠外、有由來及、然以勢觀之、卿入貴於不令耳、書政當爾、王羲之白、

此聲帖

吾爲卿任此聲者、但此懷自不復得闕之於時、

又



十四日諸問如昨云西有伐蜀意復是大事速  
送袍來

給船帖

君欲船輒勅給所須告之

功曹帖

省告攝功曹事一一屬以所求寬逋廢守命必  
欲肅之是以間意其志既立不得不必行

發詔帖

遂當發詔催吾帝王之命是何等事而辱在草



澤。憂歎之懷。當復何言。見足下一

軍使帖

直遣軍使者。可各差十五人。耶合三十人。足周事、

仲舒帖

足下似有董仲舒開閉陰陽法。可勅令料付不雨憂之深珍重。謝二侯、

尚書帖

見尚書一日遣信以具。必宜有行者情事。恐不



足下當爲遠慮不可計目前

又

所欲論事今付

荀葛帖

羲之死罪荀葛各一國佐命宗臣觀其轍迹實  
奇士也。然荀獲譏於憂卒意長恨恨謂其弘濟  
之。心。宜。被。大。道。諸葛經國達治無間然處事而  
無玷累獲全名於數代至於建鼎足之勢未能  
忘已。所謂命世大才以天下爲心者容得爾乎。



前試論意久欲呈。多疾憤憤遂忘致。今送。願因  
暇日。可垂試省。大期賢達興廢之道。不審謂粗  
得阡陌不。

文集帖

比日尋省卿文集。雖不能悉。周徧尋翫。以爲佳  
者。名固不虛。序述高士。所傳小有異同。見卿一  
一問應止。楊王孫前以其及意同。可誠述叙之。  
耶。暇日無爲想不忘之。

歌章帖



歌章輒付卿、或有寫書人者可寫一道與吾也、

戲詠帖

得君戲詠承念至此年乃未見

月儀書

此似元會詩之屬當非書牋也與索靖月儀帖不同

日往月來元正首祚太簇告辰微陽始布罄無

不宜和神養素

十七帖

張彥遠法書要錄右軍書記云十七帖長一丈二尺即貞觀中內本一百七十九百四十二字是烜赫著名帖也十七帖者以卷首有十七日字故號之二十王



書後人亦有內一句稍異者標爲帖名大約多取卷首三兩字及帖首三兩字也黃伯思云當時書卷首帖有十七日字故諸帖總謂之十七耳非帖數也本二十七條今官法帖有其十五散寘逸少書三卷中又續法帖有五而叩竹杖絲布衣漢講堂諸葛顯天鼠膏四果種虞安吉七條不載當是亡軼而世有完卷者傳模殊精非此比也此卷有帖云周益州送此叩竹杖云云案十七帖有云去夏足下致叩竹杖云云以前帖觀之卽知此帖蓋與周益州矣自昔相傳十七帖乃逸少與蜀太守者未必盡然然其中間蜀事爲多是亦應皆與周益州書也但來禽一帖則或以爲與桓溫而已本朝僧邦者有寄李昌武翰林詩云來禽簡寄桓宣武不知何據案此帖有云今在田里惟以此爲事足下致



此子者大惠也，逸少視桓公，位殊遼絕，與書不當爾耳。然當時真長子猷輩，猶嫚侮桓公。彼亦能容。逸少作書，若交友，蓋無足恠。溫飛卿詩云：畫圖驚畏獸，書帖得來禽。此帖垂寶，非一世也。按周撫永和三年爲益州刺史，有惠政，見成都古今記。據黃則十七帖，悉與周益州書矣。內如來居龍保六日，胡毋從妹等，竝不似與周書。六日帖，叔當西耶語，猶非類。楊用脩四川總志載七十叩竹，諸葛顒譙周山川諸奇講堂，嚴君平鹽井八帖爲與周益州，亦以八帖皆論益州故實耳。要錄所載數止二十，而無絲布衣叩竹杖七十，胡毋鹽井五條，君服食久合積雪凝寒，嚴君平併譙周爲一帖。今傳十七帖，講堂以後竝闕。然右軍法書，此最先出，故仍舊統題十七帖。若淳化長沙二王有帖名者，附注各下。



云關杞嘗謂余曰昔越州一寺修佛殿於梁栱內藏一函古模數十本所可記者王右軍十七帖虞世南枕臥等帖皆有儲氏圖書印黃亦云十七帖必多臨本永禪師及虞世南褚庭誨臨字皆不甚遠故世有數本皆不同此帖全是庭誨筆意

十七日先書郝司馬未去卽日得足下書爲慰

先書以具示復數字

復一在以下

又

吾前東粗足作佳觀吾爲逸民之懷久矣足下何以方復及此似夢中語耶無緣言面爲歎書



何能悉

方一作等字而止自吾前東

王帖云新安所刻至數

爲四行恐是二帖然他本皆合爲一長沙帖又誤併來居一帖

又

瞻近無緣省告但有悲歎足下小大悉平安也

云卿當來居此喜遲不可言想必果言告有期

耳亦度卿當不居京此旣僻又節氣佳是以欣

卿求也此信旨還具示問

告一竝作苦僻案刻是避字要錄作僻或

刻傳久小誤耳二王帖云避與僻皆與辟通用非也避安可通辟

又



龍保等平安也。謝之甚遲。見卿舅可早至。爲簡

隔也。

早疑是耳。見下有之字。無卿舅以下。

又

今往絲布單衣財一端。示致意。

又

尺牘作與周益州。

足下今年政七十耶。知體氣常佳。此大慶也。想復懃加頤養。吾年垂耳順。推之人理。得爾以爲厚幸。但恐前路轉欲逼耳。以爾要欲一游目汶領。非復常言。足下但當保護。以俟此期。勿謂虛



言得果此緣一段奇事也。

楊云汝古岷字見史記

又

省別具足下小大問爲慰多分張念足下懸情  
武昌諸子亦多遠宦足下兼懷竝數問不老婦  
頃疾篤救命恒憂慮餘粗平安知足下情至

又

六日知足下行至吳念違離不可居叔當西耶

遲知問

涪化帖離不可居叔當西耶遲知問

又



計與足下別廿六年於今。雖時書問不解濶懷。省足下先後二書。但增歎慨。頃積雪凝寒。五十年中所無。想頃如常。冀來夏秋間。或復得足下問耳。比者悠悠。如何可言。

又

吾服食久。猶爲劣劣。大都比之年時。爲復可耳。足下保愛爲上。臨書但有惆悵。淳化帖愛爲上臨書但有惆悵

知足下行至吳念違

又

尺牘作答周益州



去夏得足下致邛竹杖皆至此土人多有尊老者皆卽分布令知足下遠惠之至

邛山在蜀生竹高節可作

杖見張騫傳

又

旦夕都邑動靜清和想足下使還具時州將桓公告慰情企足下數使命也謝無爽外任數書問無他仁祖日任言尋悲酸如何可言

又

諸從竝數有問粗平安唯脩載在遠音問不數



懸情司州、疾篤不果西、公私可恨、足下所云、皆盡事勢、吾無間然、諸問想足下別具、不復乙乙乙乙一  
作具

又

胡母氏從妹平安、故在永興居去此七十也、吾在官諸理極差、頃比復勿勿來示、云與其婢問來信、缺不得也、

又

得足下旃罽胡桃藥三種、知足下至戎、鹽乃要



也。是服食所須。知足下謂須服食。方回近之。未  
許吾此志。知我者希。此有成言。無緣見卿。以當  
一笑。須一作頃

又

省足下別疏。具彼土山川諸奇。揚雄蜀都。左太  
沖三都。殊爲不備。悉彼故爲多奇。益令其游目  
意足也。可得果。當告卿求迎。少人足耳。至時示  
意。遲此期。真以日爲歲。想足下鎮彼土。未有動  
理耳。要欲及卿在彼。登汶嶺峨眉而旋。實不朽



之盛事。但言此。心以馳於彼矣。

迎一作近  
又作進

又

知有漢時講堂在。是漢何帝時立。此知畫三皇五帝以來備有。畫又精妙。甚可觀也。彼有能畫者不。欲因摹取。當可不須具告。

又

云譙周有孫。高尚不出。今爲所在。其人有以副此志。不令人依依足下。具示。

淳化無爲所  
在至志十字

又

淳化及要錄  
合譙周一帖



嚴君平司馬相如揚子雲皆有後否

大觀帖米云真

天鼠膏治耳聾有驗不有驗者乃是耍藥

又

朱處仁今所在往得其書信遂不取答今因足

下答其書可令必達

黃云謂昔嘗得其書而信人竟不取報書世俗遂誤

讀爲往得其書信殊不知信者乃使人也

又

往在都見諸葛顓曾具問蜀中事云成都城池



門屋樓觀皆是秦時司馬錯所脩。令人遠想慨然。爲爾不信一一示爲欲廣異聞。

又

彼鹽井火井皆有不足下目見不爲欲廣異聞具示。

又

二王帖足下所疏別爲一帖

青李來禽櫻桃日給藤子皆囊盛爲佳。函封多不生。足下所疏云此果佳可爲致子當種之。此種彼胡桃皆生也。吾篤喜種果。今在田里。惟以



此爲事，故遠及足下，致此子者，大惠也。

黃伯思跋唐摹

十七帖云：予嘗見畢文將叔云：家有唐初人所摹此帖，來禽等四物外，又有密蒙華一種，故先相文簡公答王黃門寄密蒙華詩云：多病眼昏，書懶讀，煩君遠寄密蒙華，愁無內史詞兼筆，爲覺真方到海涯，今諸本竝無此一種，法書要錄亦不載。

又

後所須此藥草，可示當致。

又

薦虞安吉帖

虞安吉者，昔與共事，常念之。今爲殿中將軍，前過云與足下中表，不以年老甚欲與足下爲下。



察意其資可得小郡足下可思致之耶所念故遠及

又

吾有七兒一女皆同生婚娶以畢惟一小者尙未婚耳過此一婚便得至彼今內外孫有十六人足慰目前足下情至委曲故具示

已上竝十七帖

桓公帖

凡稱某帖者非與此人也帖言其人耳聊以其名類次如桓公仁祖

之屬

得都下九日書見桓公當陽去月九日書久當



至洛，但遲遲可憂耳。蔡公遂委篤，又加瘳下，日數十行，深可憂慮。得仁祖廿六日問疾，更委篤，深可憂。當今人物眇然，而艱疾若此，令人短氣。

黃云九日帖云：蔡公者，蔡謨也。仁祖者，謝尚也。晉穆帝永和十二年秋，桓公破姚襄至洛，故此云久當至洛，是時將以謝尚鎮司州，以病止，故此云得仁祖二十六日問疾，更委篤。與陶穀所畜破羌帖事正同。跋云：晉穆帝永和十二年秋，桓溫破姚襄于伊水，遂至洛，時將以謝尚鎮之。屬病不行，所云桓公摧破羌賊，及仁祖小差，正當時事也。是時逸少去會稽內史已歲餘，方遯跡山水間，宜不復以世務經懷。而此書乃歎宣武之威略，悲舊都之始平，憂國嗟時，志猶不息。惜其一憤遠引，使才猷約結，弗光於世。



又

知虞帥云桓公以至洛，卽摧破羗賊，賊重命。想必禽之。王略始及舊都，使人悲慨深。此公威略實著。自當求之於古，真可以戰使人歎息。知仁祖小差，此慰可言。適范生書如其語，無異故，須後問爲定。今以書示君。

又

得謝范六日書爲慰。桓公威勲當求之古，令人歎息，比當集姚襄也。



又

虞義興適送此，桓公摧寇，罔不如志，今以當平定古人之美，不足比蹤，使人歎慨，無以爲喻。

又

數得桓公問疾轉佳也，每懸胡云征事未有日佳也，以逼勢不知卒云何爾。

又

鄙故勿勿飲，日三斛，小行四升，至可憂慮，如桓公書旨，闕其不去，恐不能平。



又

桓公以江州還臺、選、每、事、勝、也、不、可、當、在、誰、耳、

雲子帖

桓雲字雲子、溫兄、

桓公不得叙情、不可居處、雲子諸人何似、耿耿、能數省否、

又

云停雲子代萬頃、桓公至、今令荀臨淮權領其府、懷祖都共事已行、

又



義之死罪、前得雲子諸人書、竝毀頓胡之惟分、  
推難爲心、當有分西者否、義之死罪、

又

十四日疏、昨信未卽取遣、適得孔彭祖書、得其  
弟都下七日書、說雲子暴霍亂、亡人理、乃當可  
耳、惋惋桓公周生之痛、豈可爲心、

安西帖

庾翼字稚恭  
安西將軍

一昨得安西六日書、無他、無所知說、故不復付  
送、讓都督表、亦復常言耳、如兄子書、道嵩自必



果今復與書督之足下勅令至并與遠書也

云黃

翼鎮荊州以石虎衰暴屢表北伐康帝及朝士皆遣使譬止孫綽輩亦致書諫之則逸少所見之表殆亦論北伐事也翼之此舉朝論弗以為然故逸少以為常言及聞其遷襄陽乃云稚恭遂進鎮東西齊舉想尅定有期也則始雖同羣議而終以為當然翼有志無年徒能奮十倍之氣而蔑一統之功此志士所嗟慨者  
知一作  
大督劉作共誤  
又一帖云無所知表亦復常言耳

又

羲之死罪伏想朝廷清和稚恭遂進鎮東西齊舉想尅定有期也羲之死罪死罪



又

伏想清和士人皆佳適桓公十月末書爲慰云  
所在荒甚可憂殷生數問北事勢復云何想安  
西以至能數面不或云頓厯陽爾耶無緣同爲  
歎遲知問

又

運民不可得而要當得甚慮叛散頃爲此足勞  
人意

又



安復後問不想必停君諸舍疾苦差也便疾綿  
篤了不欲食轉側須人憂懷深小妹亦故進追  
不孤得散力煩不得眠食至少疾患經月兼焦  
勞不可言迎集中表親疏略盡實望投老得盡  
田里骨肉之歡此一條不謝二疏而人理難知  
此不知小却得遂本心不交衰朽羸劣所憂營  
如此君視是頤養之功當有何理今都絕思此  
事也冀疾患差末秋初冬必思與諸君一佳集  
遣無益快共爲樂欲以少日補頃者之慘戚也



追尋前者意事。豈可復得。且當率目前及當此  
急要。願諸君各保愛。以俟此期。未近見君。有諸  
結力。聊以當面。各間意。必欲省安西。知今意無  
前却也。想君必俱。賊勢可之者。必進許洛。無可  
不果。相遇于一世。豈可度之尋常。以此至終。故  
當極盡志氣之所托也。君此意弘足。然決在必  
行。少日一合作省。威一作蹙。結下一無力字。

又

得征西近書。委悉爲慰。不得安西許有問。不知



何久長風書平安今知殷侯不久留之甚善甚善。

庾丹陽帖

庾蘇升平中代孔巖爲丹陽尹。

知庾丹陽差數深深致心致心。

並法書要錄。

又

適知十五日間清和爲慰復得南後問不想二  
庾速王之始與奴長就令人邑邑想無所至耳

還具示問。

庾一作康陳作庚速一作建王作至至作主。

丹陽帖



昨卽得丹陽水上書與足下書同故不送昨諸書付還。

又

想大小皆佳丹陽頃極佳也云自有書不附此信耳大小問多患懸心想二奴母子佳遲卿問也。

又

丹陽旦送吾體氣極佳共在卿故處增思詠

又



知比得丹陽書甚慰乖離之歎當復可言尋答  
其書足下反事復行便爲索然良不可言此亦  
分耳遲面具

此一作以當一作尚  
反作友具作一一

殷侯帖

昨送諸書令示卿想見之恐殷侯必行義望雖  
宜爾然今此集信爲未易卿若便西者良不可  
言

又

時得殷侯答書今寫示君承無怒意旣而意謂



速思順從。或有怨理。大小宜盤桓。或至嫌也。想

復深思。

此二帖似為言浩北伐事。又一帖意作詔。速作連。怨理大小。宜作怨望。其不

宜。

又

孔嚴字彭祖。殷浩臨揚州。請為別駕。

得孔彭祖十七日具問為慰。云襄經還。蠡是反

善之誠也。於殷必得速還。無復道路之憂。比者

尚懸悵。得其去月書。省之悲慨也。

殷浩為中軍將軍北伐時

亮帥姚襄降。浩使龍驤將軍劉啓守譙。遷襄於梁。襄遂反。浩退保譙城。器械軍儲皆為襄所掠。

又



得豫章書爲慰想以具問昨得都十七日書賊  
徑還蠡臺不攻譙是其反善之誠也想殷生得  
過此者猶令人憂期諸處分猶未定爭叅軍旦  
夕至也遲一一卽言前書事

又

殷廢責事便行也令人歎悵無也此言浩廢徙東陽

又

云殷生得快罔大事數謝生書但有藥耳云彥  
仁或缺宣城甚佳情事實宜今有云想深復征



許也

又

與殷侯彼此格卿取

又

與殷侯物示當爾不可不卿定之勿疑

又

宰相安和殷生無恙時面兄當宣兄懷

黃云宰相安和

帖乃郗愔書宰相者簡文作相王時殷生者殷浩也然此或是書郗愔帖語耳而結字實近世偽作



彭祖帖

想清和士人皆佳、彭祖諸人得足下慰旦夕也、此諸賢平安、每面粗有歎慨、追恨近日不得本善、散無已已、度足下還期不久耳、此者數令知問

袁彭祖帖

袁彭祖何日過江、想安穩耳、失此諸賢、重不可言、足下分離如何可言、

孔建安帖



太保思一散。知足下歸。乃至孔建安家。熱乃雨。往還以十。實非乏所堪。若之不復。更尅近道。惟命是往矣。

與郗家論婚書

十一月四日。右將軍會稽內史瑯邪王羲之。敢致書司空高平郗公足下。上祖舒散騎常侍撫軍將軍會稽內史鎮軍儀同三司夫人右將軍劉缺女。誕晏之允之允之。建威將軍錢塘令會稽都尉義興太守南中郎將江州刺史衛將軍。



夫人散騎常侍荀文女誕希之仲之及尊叔廙  
平南將軍荊州刺史侍中驃騎將軍武陵康侯  
夫人雍州刺史濟陰郝說女誕願之胡之耆之  
美之內兄胡之侍中丹陽尹西中郎將司州刺  
史妻常侍譙國夏侯女誕茂之承之羲之妻太  
宰高平郗鑒女誕立之凝之肅之徽之操之獻  
之肅之授中書郎驃騎諮議太子左率不就徽  
之黃門郎獻之字子敬少有清譽善隸書咄咄  
逼人仰與公宿舊通家光陰相接承公賢女淑



質直亮。確懿純美。敢欲使子敬爲門閭之賓。故具書祖宗職諱。可否之言。進退惟命。羲之再拜。

張云此是郗家論  
婚書書迹似夫人







27